



Indgæet

- 2 NOV. 2017

Inatsisartunut ilaasortaq Michael Rosing,
Attaviitsoq
Maani/

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 naapertorlugu apeqquteqaammut nr. 2017/232-mut akissutit

Inatsisartut suleriaasianni § 37, imm. 1 naapertorlugu inuttalersuisarnermut malittarisassat pillugit Naalakkersuisunut apeqquteqarsimavutit. Apeqqutit suliaasaqarfisannit akineqartussanngorlugit innersuunneqarput.

Ulloq: 30-10-2017
Sulap normua: 2017 - 23431
All nr: 6404591
Postboks 269
3900 Nuuk
Oqarasuaat (+299) 34 50 00
Fax (+299) 34 63 65
E-mail: apn@nanoq.gl
www.naalakkersuisut.gl

Apeqqut:

Aalisarnermut piniarnermullu Naalakkersuisoqarfiup ilinniarsimanermut suliffeqarnermullu Naatsorsoqqissaakkat kisitsisit suut tunngavigaat isumaqaramik, inuttalersuinermi nunaqavissut 90 %-iunissaannut piumasaqaatit aalisartitseqatigiiffiit naammassisinnaagaat aamma ilaatigut tassunga ilanngullugu Kalaallit Nunanni aalajangersimasumik najugaqareersimanissamut piumasaqaat.

Akissut:

Kalaallit aalisariutaani kalaallit inuttaasartut massakkut 60 %-iusut 90 %-inngortinnissaanik siunnersuut, piffissanut marlunnut imikkoortillugu atuutsilersinniarnearpoq. Kalaallit inuttaasartut 2019-imi 70%-inngortinneqarnissaat aamma 2020-imi 90%-inngortinnissaat siunnersuutigineqarpoq. Taamaasilluni inuttaasartut pillugit siunnersuummi aalajangersakkat ukiut pingasut ingerlanerani atuutsilersinniarnearput.

Kalaallit aalisariutaanni aqumiut nunatsinni najugaqanngitsut amerlaqisut atorfinitsinneqartarnerinik ajornartorsiut aaqqiiffiqineqassappat susasaqartut tamarmik suleqataasariaqarneranik siunnersuut imaqartoq Naalakkersuisut saqqummiuppat. Tamanna tunngavigalugu aalisariutaatileqatigiit nunaqavissunut tunngatillugu inuttassarsiortarnermi periusigisartagaasa allanngortinnerisigut aammalu aalisariutini aqumiunut nunatta avataaneersut nunatsinni aalajangersimasumik najugaqalernissaanut periusissanik ilalerlugit inuttat 90%-iisa 2020-imi nunatsinneersuunissaanik piumasaqaat anguneqarsinnaassasoq Naalakkersuisut isumaqarput.

Tassa 2017-imi sulisoqarnikkut inissisimaneq imaluunniit nunaqavissut qassit maannakkorpiaq suliffissaaleqinersut siunnersuuteqarnermi tunngavigineqanngillat. Inuttalli nunaqavissut amerlanerulersinniarlugit aalisariutaatileqatigiiffiit iliuuseqarnerunissaanik Naalakkersuisut kissaateqarnerattut siunnersuut isigineqassaaq.

Apeqquut:

Naatsorsoqqissaakkani takuneqarsinnaanerluni qassit naapertuuttumik ilinniagaqarnersut aamma taakkunannga qassit suliffissaqanngitsutut nalunaarsorneqarsimanersut?

Akissut:

Siuliani oqaatigineqartutut Naalakkersuisut isumaqarput umiarsuarni aqumiutut ilinniagaqarsimasut nunaqavissut sulilersinniarlugit pitsaanerusumik iliuuseqartoqarsinnaasoq. Naalakkersuisut isumaat mallillugu umiarsuarni aqumiutut ilinniagaqarsimasunik nunaqavissunik atorfinitsitsiniarnermi ajornartorsuit aaqqiivigineqarsinnaavoq apeqquut 1-imut akissummi oqaatigineqartutut aalisariutaatileqatigiiffiit periusissiomermikkut iliuuseqarnerusinnaappata. Tunngaviatigut Naalakkersuisut isumaqarput aalisariutaatileqatigiiffiit kajumissuseqartillugit inuttalersuinermi nunaqavissut 90 %-iunissaannut piunasaqaat 2020-mi naammassineqarsinnaasoq.

Aamma ilisimaneqarpoq aqumiutut ilinniagalippassuit najugaqavissut kalaallit aalisariutaanni aquttutut naalakkatullu takorluuisimanertik taamaatiinnarsimagaat allamilu suliffissarsisimallutik, atorfinni taakkunani suliffittaarsinnaanerup ajornarsimaneqarpoq pissutigalugu imaluunniit allatut atugarliulersimanertik pissutigalugu.

Apeqquut:

Naalakkersuisut inuttassat pissarsiariniarnerisa ajornartorsiuutaasamerat pillugu aalisarnermik inuussutissarsiuutillit oqaloqatigisimanerlugit aamma aalisarnermut qanoq kinguneqassava, inuttalersuinissamut piunasaqaatit naammassineqarsinnaanngippata aqumiunik ilinniarsimasunik amingaateqarneq pissutaalluni?

Akissut:

Naalakkersuisut ukiut kingullit arlallit iluini kalaallit aalisariutaanni inuttalersuinissaq pillugu oqallittarsimapput, tassunga ilanngullugu kalaallit aalisariutaanni aqumiut soq naalakkatut aquttutullu siullertut qaqutigunnaq atorfinitsinneqartarsimanersut oqallisigisarsimavaat.

Oqallittarnerilli taakku angusaqarfiuneeq ajorsimapput.

Apeqquut:

Naalakkersuisut nalunaarummi paasissutissat tunngavigineqartut pillugit allattugaatinik piniarneeq soormitaavaana itigartissimagaat aamma tassunga ilanngullugit nunaqavissut aqumiutut ilinniarsimasorpasut suliffissaqannginnerarlugit oqalunnermut paasissutissat? Naalakkersuisut paasissutissat taamaattut inatsisiliorluni piareersarnermut tusarniaavigineqartussanut ilaasutut isiginerlugit taamaattumillu allanit susassarineqanngitsutut?

Akissut:

Allattugaatinik takunnissinnaaneq Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9, 13. juni 1994-imeersumi malittarisassaqaartinneqarpoq. Inatsimmi aalajangersakkat malitsigisaannik uppernarsaatit tamarmik allagaatinik takunnissinnaatitaanermit ilaanngimmata tamanna tunngavigalugu itigartitsinermik nalunaaruteqarnee takunninnissamik qinnuteqartup ataqqisariaqarpaa. Taamatut oqareerluni erseqqissaatigineqassaaq allagaatinik takunninnissamik qinnuteqaatit suulluunniit inatsit naapertorlugu pisinnaatitaasut Naalakkersuisunit akuersaarneqartarmata

Inusgiarnersumik inuulluaqqusillunga

Karl Kristian Kruse

Aalisarnermut Piniarnermullu Naalakkersuisoq